

## Giu tenatenagāga anikataienama gabunama

**Alabasta** - inam yeku isanama. Inam yekune dugi a voivoiedina.

**Alfa** - inam Gurik banegidima adi alfabetma pakanama, be Omega inam adi alfabetma damonama, maika A be Z. Be Yesu tauna vutuna Alfa be Omega baninama tauna vutuna pakane da damone e miamiana.

**Amen** - inam Gurik bonane. Dawawa bonane: ‘Inam Riukaua’.

**Anea** - inam Mamaitua na tauwai noyanoyama.

**Apasol** - inam Gurik adi bonama. Taudi Yesu na noyama yawai karena, dabudine waimuriwatanenama ai karena naumeki da Yesu ya guri be ya midisūgu munağana. Be taudi yaba matabuna a tubutubuğana mate-die a kitana. Vutuna aubainama Yesu ya riupore nawedina dobu matabuna da inam varinama ta rauguguyena banaga ġarodie. Inam vutuna tawai isana ‘apasol’.

**Areopagas** - inam meagai Aten nopone oya isanama. Be inam oyanama debane Aten babadidima adi kaba waiboruma gabunama.

**Arua Babau** - inam Mamaitua na Aruama.

**Babataito** - na kauama inam umanama: Boni inam banaga upa nopone a kawa miatutu be a kawa midisūgu munağena. Babataito na bانيا inam rabuiteğä.

1. Kawa miatutu inam guri ewai matairena.

(Rom 6:8; Kolosia 2:20)

2. Rağanine topa nopone inam kokoaga ewai matairena
3. Kawa midisuğu inam gurie be e midisuğu munağana ewai matairena. (Galesia 2:20)

Babataitoe banaga tawai aninana da uma kededima rabuiteğä inam riu kaua. Babataito ewai mağatarana da inam baneginama yai rawa kuristenna. Banaga aitau da ya babataitona, tauna na noğotama ya vitaredi be Yesu Keriso yai sumağē da Yesu tauna na gewagewama ya noğota poredina. Inam rağanine tauna yodi Yesu Keriso ei muriwatane be e voteyeteyena.

**Babilon** - inam agunai Rom meagainama isanama semosemonama.

**Banaga Natunama** - Boni peroveta tenağä isanama Deniel tauna inam isanama ya vato-vatona. Inam isanama baninama teneğinama maika Tauwai yawasana. Deniel 7:13 ko kitana. Yesu inam isanama ya pağō be tau-name ya giugiu munağenä.

**Bodubodu** - Gurik baibol nopone ‘bodubodu’ nam ima kenakenana. Be Gurik nopone ‘winter’ e kenakenana. Inam nam maika bodubodu be inam tururu ya moraba kauana, freezer nopone maika.

**Buredi-Nam-Sasasanina soinama** - inam “Feast of Unleavened Bread”. Exodus 13 ko kitana. Nağopore soinama nopone Buredi-Nam-Sasasanina soinama mate a voiwoia tenağedina. Baninama Jius banegidima taudi Ijipt gosenama aubainama, taudi nam değō gavogavo i kenana da sibo yist buredi

nopone sibo a boru be buredi a sasana.

**Dekapolis** - inam provins isanama, be nopone inam meagai matabudi 10.

**Denari** - Metiu 20:2 nopone ko kitana da rağan tenağga na maesama bisa. Denari tenağga inam taubagibagi na maesama rağan tenağga nopone.

**Diaboro** - tauna Seitan. Diaboro inam Gurik bonane, tauna tauwai karakarakutu be tauwai kaikaiyovu.

**Dom nam dibuboruboruna** - inam penama adi kaba miama. English tawai isana ‘abyss’.

**Duragon** - inam musara ġasiġasina nama dosinama, be kitanama wainua nainairinama. Be duragon inam tauna vutuna Seitan, arua gewegewedima adi guyauma. Waimağatara 12:3–13:4.

**Eibraham** - Israel dobunama nopone Mamaitua Eibraham ya vine dokena da dam matabudi tamedima tauna. Vutuna aubainama Mamaitua Eibraham ya riuena da na dobuma Ura be na banagama e gosedi be dobu vaunama e utena. Eibraham Mamaitua bonanama ya voteyeteye be ya midisugu ya naġona madanie, be modi toitoi a kovina muriġa da dobu Mamaitua ya sausaugena ya banavina. Inam dobunama yodi tawai isana ‘Israel’. Mamaitua na ġoanama da Israel banegidima e voiedi da natunatunama ta tubuġa be e rabedina. Vutuna aubainama waianina Eibraham ġarone ya boruna. Tauna na waivima isanama ‘Sera’, be taudi nam ti natuna rubuna, naumeki da ai rawa dosina. Be

taudi ai sumaḡana aubainama, Mamaitua mataira dosinama ya voie da ai natunana. Be natudima isanama ‘Aisik’.

**Ekalesia** - inam Mamaitua na damma. Be taudi vutidiḡa Keriso tubuḡinama.

**Eteni** - banegidima inam tauda dobu matabuna nopone tà miamicana isadama, be nam Israel banegidi. Jius ko kitana.

**Gaga pesinama** - inam gaga ġesau, nam taitai be tauna kai. Be pesinama ya nito kauana, be ta kuma da kai e tubutubuḡana.

**Galili** - inam provins Israel kantri nopone.

**Gureipi** - inam tauna taitai bo kai ġaubonama Englishie isanama ‘vine’ votanama. Be e vota be e puripurina kitinama maika kai piroma e puripurina nama. Gureipi ta tutubuyo da upanama ta paġo be waen ta voivoiena.

**Guyau** - inam tauna ‘King’. Tauna banaga matabudi kantri tenaḡa nopone ya raberabedina be aubainama a noyanoyana.

**Haleluya** - inam kawa saġe riunama. Raġanine Jius banegidima Mamaitua kawa saġenama a ḡoena, taudi a riuriuna, ‘Haleluya’. Inam riunama baninama inam ‘Mamaitua tà kawa saġena’.

**Hemes** - Sus ko kitana.

**Herod** - Baibol nopone guyaguyau matabudi 4 inam isanama a paġona.

Guyau Herod, banaga awai isana Herod Wairewapaninama. Tauna na waiguyauma raġanine Yesu ya tubuḡana. Be tauna vutuna ya raraubuna da Yesu ġaubone sibo yai gurina. Metiu 2:1-22 be Luk 1:5 ko kitedina.

Guyau Herod Antipas, tauna na waiguyauma rağanine Yesu Galilima na noyama yai karena, tauna ya rarauguguya be mataira dosidima ya voivoiedina. Inam Herodnama tauna vutuna Herodias ya nağı be Jon Tauwai babataito gadonama ya tomna. Be mate Yesu a etaetarena rağanine, Pontis Paelat Yesu ya riupore nawena inam Herodnama ġarone. Mak 6:14-29 be Luk 23:6-12 ko kitedina.

Guyau Herod Agripa I, tauna banaga aitaugā Yesu Keriso awai sumāgena ya raukivi gewegewedina. Tauna vutuna Jeims yai gurina, Jon tasinama. Apasol 12:1-23 ko kitana.

Guyau Herod Agripa II, tauna vutuna Pol ya etare be ya riupore nawena Romma Sisa ġarone da tauna sibo ya etarena. Apasol 25:13-26:2; 26:19; 26:27-32 ko kitedina.

**Hosana** - inam Hibru bonanama. Inam bani-nama, 'Bada, kwai yawasanimai!'

**Jius** - inam taudi banaga aitaugā Israel kantri nopone ta miamiana, taudīga isedima. Eteni ko kitana.

**Judia** - inam provins Israel kantri nopone.

**Kamel** - inam musara dosinama, maika kau taugominama dosinama.

**Kepas** - inam Hibru bonane yeku tawai isana.

**Keriso** - be Mesaia taudi riu tenegidima. Keriso inam Gurik bonane, be inam nam isa. Keriso baninama inam: Mamaitua tauna ya vinena da banaga ei yawasanidina. Be tauna tokare Mamaitua na waiguyauma e yovoġe be banaga be yaba matabudi ei badedina.

**Kilomita - inam** - madani na ruvama. Maika

agunai Dogura da Wedau.

**Kito** - tauna banaga tuninama kerokero toitoi be a vadateğe be ya miamiana, baninama banaga imai davudi aubainama. English tawai isana 'Leprosy.'

**Kokoaga** - Israel taudi nam guri ti dobodobodina, be taudi gubae a sivusivudina, maika Yesu.

**Kopitom** - inam umanama: Jius adi vaivaima inam seda tautauğomidima ta tubutubuğanā adi rağanima 8 murine, taudi kutidima isune kopidima ta tomtom porena, Mamaitua boni Eibrahim ya riuriuena ruvane. Genesis 17:9-14 ko kitana. Kopitom inam ewai mağatarana da inam tauna Jius baneginama.

**Kuristen** - banaga Yesu tawai muriwatanena taudi isedima Kuristen.

**Mana** - inam kani isanama. Boni Israel banegidima modi 40 nopodie dobu kavakavane a vağavağaina rağanine, Mamaitua inam kaninama ya utedi be a kanikanina. Inam kaninama rağan patapatanama marae ya kurukuruva yovona. Be Şabat rağaninama taunağā mana nam ti yovoyovona.

**Mesaia** - be Keriso taudi riu teneğidima. Mesaia inam Hibru bonane, be inam nam isa. Mesaia baninama inam: Mamaitua tauna ya vinena da banga ei yawasanidina. Be tauna tokare Mamaitua na waiguyauma e yovoğe be banaga be yaba matabudi ei badedina.

**Nağopore** - inam soi isanama, English 'Passover'. Inam soinama nopone Jius banegidima adi noğotama e munağā da

boni nema Ijipt a dobidobi porena, vutuna ta nōgonogötina. Inam rāganine Mamaitua na aneama ya riuporena Ijipt banegidima ġarodie da vada tenatenaġaġa nopodie seda kaevoudima sibo yai guridina. Be Mamaitua Jius banegidima ya riuedina da taudi sibo sipu natunama ai guri be kosininama adi matakedae a virana. Be anea kosina matakeda viraviranama ya kitakitana dabudine nam aitau i gurina, naumeki da inam vadanama ya nāgo pore be wari vadae ya nāgona. Vutuna aubainama yodi soi isanama ‘Nāgopore soinama.’ Exodus 12:1-16 ko kitana.

**Olip** - inam kai, be votanama inam oeri ta voivoiedina anirau buka be bunama aubaidima, maika oil palm.

**Olta** - Olta tenaġa musara anigabu basunama aubainama, inam dogae be nam tempol nōpone. Be olta ġesau inam piupiu anigabuba-sunama aubainama. Inam tempol nōpone.

**Omega** - Alfa ko kitana.

**Parisi** - Parisi taudi dam ġaubaonama tarawatu riuriuna nama ta miamiana.

**Pearl** - yeku iġoti nōponama kurenama maika.

**Pentekost** - inam namba 50. Taudi nama awai isana, baninama Nāgopore soinama murine rāġon matabudi 50 da Pentekost soinama awai karea. Tauwai sumaġa Pentekost soinama ta voivoiena, baninama inam rāganine Arua Babau ya yovona.

**Pero** - inam Ijipt banegidima adi guyauma.

**Pita** - inam Gurik bonane yeku tawai isana.

**Sabat** - inam Satade be nam Sande. Mamaitua

dobu be yaba matabudi ya voivoia rovodina, inam rağanine tauna ya siperena. Inam vutuna Sabat be Jius adi kaba waitaparoroma rağaninama. Genesis 2:1-3 ko kitana.

**Sadisi** - inam Jius dam ġaubaonama, taudi midisugħu munaġa nam tiwai sumāġena.

**Saion** - inam oya isanama. Be inam oyanama debane meagħi dosinama Jerusalem. Be meagħiġiġi poune tempol ya midimidina.

**Sakibegi** - inam peroveta ġesaudima adi garama be nuaboya na matairama garedima. Genesis 37:34 bo Waimaġatara 11:3 ko kitedina.

**Salfa** - inam yaba ta gabuna yai poya kauana, be basunama ya pana kauana.

**Samaria** - inam provins Israel kantri nopone.

**Sanedrion** - inam maika parlament.

**Seitan** - tauna vutuna arua gewegħedima adi guyauma, be Mamaitua tauwai ġavienama. Tauna e rara rubu guratana da banaga ei kedadoka waigewedi da gewagħewa ta voienna. Seitan isanama ġesaunama inam 'Diaboro', uma dobunama kana guyauma.

**Selot** - inam political party be taudi kerere tauvoiedima.

**Sinagog** - inam Jius adi kaba waiboruma vadanama. Be Sabat raġandie inam vadane a tapataparorona, baninama tempol madanie aubainama. Be wari raġan dabudi banaga a etaetaredina.

**Siruva** - inam teneġinama maika Denari. Denari ko kitana.

**Sisa** - tauna na waibadama dosi yababinama.

Tauna na waibadama dibune, guyaguyau a miamiana.

**Sus** - inam Gurik banegidima adi bariawama, be taudi a raraū dunena maika Mamaitua. Sus tauna yai rewapanā kauana, be Hemes tauna Sus na tana kirokiroğama.

**Tauwai yawasana** - tauna vutuna Yesu. Tauna ya mariyawa be dà gewagewama maesinama ya guri be ya kuvesidana. Vutuna aubainama yodi değoda tauda tauna tài sumağena, yawasana tà pağona.

**Tempol** - inam Jius adi kaba taparorama vadananama Jerusalem nopone. Be inam dabudine Jius banegidima Mamaitua ğarone a raraū puyona, be nam sinagog nopone.

**Tipa** - Bada Yesu tauna aubaidama ya tipana Tamanama ğarone.

**Tuera** - tauna sida. Banaga kağanama be nimanama a guri be ğesaudima ai kaukudukuduna.

**Vokaukaua rağaninama** - inam Paraide. Bani-nama Jius taudi nam Sabatie tima noyanoyana, maika raubuka bo yaba ğesaudima. Vutuna aubainama taudi Paraide ta vovo kaukaua wainonoğana.

**Waianina bogesinama** - Inam bogesinama boni Mousis kaie ya voiena, be kainama taurinama matabuna goldie a patina. Be inam bogesinama nopone yeku tabetabedima rabui, be inam yekudima bogedie boni Mamaitua na riuvavasağama 10 ya girumidina, Hibru 9:3-4 ko kitana. Be Israel banegidima taudi dobu kavakavane

a naḡonaḡona raḡanine, inam bogesinama a kiroḡi be mate a naḡonaḡona. Inam bogesinama be abaḡa nopone a kenakenana taudi yaba babau vavasaḡidima, baninama inam waianina poranama matairidima. Inam waianina poranama Mamaitua ya voiena Israel banegidima, be tauna poudie.

**Waianina vaunama** - inam Mamaitua ya saugedana da gewagewa e noḡota poredi be na tarawatuma nopode e girumina.

**Yeku** - Gurik bonane tawai isana ‘Pita’, be Hibru bonane tawai isana ‘Kepas’. Baibol kana raḡanie yeku e giugiuena inam tauna Yesu.

**Yeku kurikuridima** - inam yekudima waimatakanikanidima be maesidima dosidima.

**Aget** - yeku gidagidava ġominama.

**Ametist** - yeku raumorawa gatugatunama maika.

**Beril** - yeku tapara kobosunama maika.

**Kanelian** - yeku sabasabanama.

**Kirisolait** - yeku tadawara bodinama maika.

**Kirisopres** - yeku gidava vogapugapunama.

**Daimond** - yeku kitannama garasi ġavoġavorinama maika.

**Emorold** - yeku kitannama garasi gidegidevinama maika.

**Hayasin** - yeku kitannama nabuka raudubadubana maika.

**Jaspa** - yeku musara taurivatunama maika.

**Mabol** - inam yeku kitannama verenama be maesinama dosinama.

**Sapaiya** - yeku noponama egasi maika.

**Sadonikis** - yeku yogeyogenama.

**Topas** - yeku kitanama garasi yawayawanama maika.

**Yist** - Yist ġaubonama buredi nopone ta boru be buredi e moramorabana. Yist e daberarana maika tuva. ġaubonama kwa riġa be topae kwa boruna, inam e daberarana. Be yist ġaubonama parawa nopone kwa boruna, inam e daberarana.

**Vari Verenama  
The New Testament in the Dawawa Language of  
Papua New Guinea  
Nupela Testamen long tokples Dawawa long Niugini**  
copyright © 2002 Wycliffe Bible Translators, Inc.

Language: Dawawa

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2015-01-02

---

PDF generated using Haiola and XeLaTeX on 11 Nov 2022 from source files dated 9 Oct 2020

9b8bda32-db42-5be3-9d24-4e4a5d5f65b2